

# Ironman di Aruba Irving, Cheng y Mansur a regresa despues di a participa den exterior



**ORANJESTAD** - Dialuna atardi den e VIP room di aeropuerto, e tres atleta- nan Maximilian Irving, Dr. Johnny Cheng y Carlo Mansur a wordo ricibi den un forma unico pa nan famia y amigonan como tambe miembronan di prensa.

Tambe nos por a mira presente e Presidente di Parlamento, Sr. Paul Croes y Minister di Salubridad Publico y Deporte, Dr. Richard Visser. Den fin di siman tras di lomba, e tres

atletanan di Aruba a participa na e Ironman di Kentucky, un evento cu sigur no apto pa tur hende. E trayectoria cu e atletanan aki mester a hiba tabata uno duro y di oranan largo di intensidad.

Prome cada atleta mester a landa 3.8km pa despues sigui e recorrido riba bicicleta cual tabata 180km y por ultimo core un distancia na pia di 42.2km. Mirando tur esaki bo mester ta super bon entrena pa participa na un evento



manera di Ironman. Tanto Maximilian, Johnny y Carlo a prepara nan mes debidamente pa e evento aki. Manera Maximilian a comenta; "Na comienso tur cos a bay bon, prome landa despues core bais, pero ora a bay na coremento, e calor a hunga un rol inmenso riba e atletanan". Un palabra di felicitacion na tur tres atleta cu awor por yama nan mes Ironman di Aruba. □



**Yegada di Maximilian Irving, Dr. Johnny Cheng y Carlo Mansur.**

